



19. maj 2014

Inatsisartut Suleriaasianni § 37 naapertorlugu Naalakkersuisunut apeqquutit imaattut matumuuna saqqummiuppakka:

Naalakkersuisunut apeqquutit ilinniarnermi qiortartakkat pillgit
(Inatsisartunut ilaasortaq Michael Rosing, Demokraatit)

Tunngavilersuut:

Demokraatini 2013-mi ukiakkut Naalakkersuisunut apeqqutigaagut (nr. 183) pissutsit ilinniartunut arlaannik pissuteqarlutik qiortartakkanik nunguutsisimasunut atuuttut, taamaattumillu ilinniarnerminnik naammassinnissinnaasaratik. Akissummi ulloq 3. oktober 2013-meersumi, Naalakkersuisut allapput, isumaqarlutik, ilinniarnersiutisiat pillugit malittarisassat maannakkut atuuttut, innuttaasunik periarfissiilluartut ilinnialernissamut ilinniarnermillu nammassinninnissamut.

Ilinniagaqarnersiutit pillugit Inatsisartut inatsisaanni nr. 12-mi, 22. november 2011-imeersumi § 14 imm. 1-mi allassimavoq:

“Ingerlaqqiffiusumik ilinniagaqartunut ilinniagaqarnersiutit qiortartakkanut periuseq malillugu piffissami aalajangersimasumi killilikkami tunniunneqartassapput”.

Tamanna itisilerneqarpoq Ilinniagaqarnersiutit pillugit Namminersorlutik Oqartussat nalunaarutaanni nr. 21-mi, 13. december 2012-imeersumi, tassani ingerlaqqiffiusumik ilinniagaqarneq pillugu § 19 imm. 1 –mi allassimavoq: ”

Qiortartakkap iluani qiortartakkanik katillugit 82-inik (killissarititaq) tunisisoqarsin- naavoq, taamaattorli takukkit §§ 22-25”.

Aamma § 19 imm. 4-mi allassimavoq:

” Ilinniagaqartumut ingerlaqqiffiusumik ilinniarnermik atuagarsornermik aningaasarsiaqarfigisamillu ilinniarnermut atatillugu suliffimmiinnermi sinnerseraaffiusumik naammassisaqarsimasumut, ilinniarnermi atuagarsornermut atugassat sinnerlugit qiugarisimasinnaasanik ilallugit ilinniagaqarfigisassat atugassat assinginik qiugassanik killissarititamini ilanngaavigineqassaaq”.

Malittarisassaq taanna pissutaalluni ilinniartut pikkorinnerpaat ilisimasaqarnerulersinnaanngillat piginnaaneqarnerulersinnaanatillu ilisimatusarfimmi ilinniarsimagunik, ilinniarnertilu naammassereersimallugu. Demokraatini ilisimavarput, Ilimmarfimmi ilisimatusartoqartoq ingerlaqqiffiusumik ilinniakkaminnik naammassinnissimasunik taamaattumillu qiortartakkaminnik qiorsivigineqareersimasunik. Tamatuma kingunerisimavaa, qiortartagaat sinneqarsimapput bachelorinnngornissaminnut naammaannartunik sussaqsaratilli kandidatinnngornissaminnut, ilinniarnersiutisiaqarlutik. Taamaattumik suliffissarsiortariaqartarput kandidatinnngoratik suli. Tamatuma ilinniarneq sivitsorsartarparaa sivikinngitsumik. Demokraatini taamaattumik neriuppugut, ajornartorsiut aaqqiivigineqarsinnaajumaartoq, taamaasillutalu kandidatinnngortitsisarsinnaajumaartugut ilinniarnersiutisiaqartillugit.

Tamanna tunngavigalugu Naalakkersuisunut apeqqutigerusuppakka:

- 1. Kalaallit Danmarkimi ilinniagaqartut, danskit SU-annik pisartagaqartut sinaakkutimikkut ilanngaanneqartarpat, Kalaallit Nunaanni siusinnerusukkut ilinniakkaminnik naammassinnissimagunik?**



2. Naalackersuisut pilersaarutiginerlugu ilinniarnermik qiortartakkanut malittarisassanik allangortitsiniarlutik, ilinniartut sinaakkutimikkut ilanngaavigineqarsinnaajunnaarsillugit, allamik ilinniakkaminnik siusinneusukkut naammassinnissimagunik?
3. Taamaangippat, Naalackersuisut isumaqarnerlutik, ilinniartut qaffasinnerusunik ilinniarsinnaassanngitsut, ilinniakkamik ataatsimik naammassisaqareersimagunik?

Apeqqutit akeqquneqarput ullut suliffiit nalignnaat qulit iluanni.